



耄餘詩話卷之五

查文巖門學有淵源幼承祖敬業老人指授思敏才富名重一時所著有巖門詩鈔南燭軒詩話集經閣讀書記乾



隆丁丑志局雖同人分任然橐出我兩人者居多同宿水仙閣下擊鉢聯吟甚相得也唱和有安國寺觀范文白五百阿羅記石刻登占鰲塔望海過西庵放生池次壁間舊韻泛舟城東步至東寺返過怡庵疊韻諸詩同作者同年王穀原又曾表兄楊竹巖煥綸詩不具錄壬午場後先生病卒子椒堂奕萊亦能詩孫一飛字采南一麟字康之並有文行肄業安瀾書院嘉慶癸亥中丞第一次甄別采南

冠其曹丁郊應京兆試中式南元自敬業次君雙峰先生
克念雍正甲辰登鄉薦後科名接武已八十四年矣

金柱峯明府鰲愛民重士有古循吏風許慕迂太史焯手

書公廉明允四大字以贈一時多為題詩丁丑修志開館

水仙閣時吳樵石嗣廣許霍齋道基王穀原又曾尚未來

惟余與巖門宿館中巖門住東廂余住西廂各携一僮談

至更深就寢旬日後聞閣下有聲初意以為鼠也次夜聲

甚震巖門早起大言責之曰我在楚劾治鬼祟有驗倘今

夜復然弗怪我牒城隍也不料是夜愈甚聞空中撒泥聲

漸近撒至紙窻不覺毛骨寒慄每夜巖門聞響輒開窻遙

呼是夜亦不復起矣次日金明府來余與巖門降階待之

明府疾趨入神色大異不暇寒溫匆匆數語而去眾咸怪

之明府返署召書吏問之曰我遭到志館恍見一人朝衣

朝冠從閣下出以致失禮於二公汝為我道歉但未知果

何祥也吏沉思良久對曰十五六年前草堂廳宋公中暑

歿於閣東偏身瘦而長面黃微鬚年可五十許明府曰此其

是矣吏出即行走告巖門買香燭拉余同拜許佳傳然苦

無事實余歸家問諸先君子始知其畧因共擬傳曰宋雲

會字沛蒼山東膠州人雍正丁未進士有文名性復高潔

官雲和常山知縣舉卓異遷草堂通判嘗分校鄉闈所鑒

拔皆知名士相國溧陽史公浙閩制府德公薦舉御史未
就卒即晚焚草城鎮董事諸君復醮分祭莫是夜遂寂然
矣聞者莫不畏宋公之靈且嘆身後名之足重如此後見
盧雅雨見曾山左詩鈔選有宋公詩知其號澹秋一號夢
溪爾時不知宋公能詩殊闕事也

甲戌同年王穀原又曾詩以金風亭長為宗刻有丁辛老
屋集錢籀石載選定重刻丁丑同事志局唱和甚多偶檢
篋中得君登占鰲塔望海歌云去年八月至海上賈勇曾
一浮圖登今年涼秋迎重九矯首益覺秋峻嶒天清氣爽
腰脚健塔心竅窅旋螺升鴻濛一氣落吾掌天半不怕危

詳吉勇切叫稼徒勇切音
調張衡西京賦望一以徑廷
注深遂貌

欄凭蒼茫莫辨大海水斥鹵綿亘百里十里同田塍或堆
者坵窪者井牛牽夫擔細若糞溷蠅竈丁燒鹽食鹽利耳
久不聞潮汐心戰兢當時龕楮夾立雲間涌一綫怒勢險
欲塘身乘萬馬奔突誰可敵強弩詎有錢王能此邦岌岌
任衝蝕築塘連歲鼙鼓勝魚鼉倖免禾稼損怨咨那息農
民騰日費斗金亦何益人事要待天心承

帝咨良相汝予治馮夷不復相侵陵役使萬鬼羣北岸沙
漲何啻恒河增東海揚塵今幾度高岸為谷深谷陵茲理
固由至化洽吁怪詎曰尋常徵晴秋登臨豁遠眺靈霧淨
掃蛟蜃蒸但見遠逢百朵儼眉列斜陽隱現青鬢鬢成連

鬢鬢音朋僧髮亂

卷之五

三

一去子春杏水仙彈罷呼難應東坡好奇屬縹緲有無海
市將馬憑江山清宴自可樂目極島嶼盤孤鷹夜來乘興
或再出同看塔頂光明燈詩字雙美因偶錄之此詩與查
巖門岐昌許漢階飛鵬楊竹巖煥綸陳中行臨及余分韻
余得望字君素有咯血症晚而愈劇遂成羸瘵年五十六
患喉癰而卒君有才子曰復字敦初號秋塋出畢秋帆制
府之門為吳會英才集九人之一後官中州縣令旋亦下
世憶君嘗謂余曰長子不善讀書幼子庚午年生聰慧可
望秋塋少孤能自樹立計享年不過四十也
穀原為吳叟樵石妹壻招至志局叟嘗預修西湖志浙江

通志時已老矣飲酒論文不舉筆也余贈詩二首錄其一
云均體流傳早軼塵詩人老去任天真高懷欲比林君復
儒業還師雷仲倫篋裏杯鐺長伴作山中松木自相親羸
乞與還丹訣願結行窩未了因叟未幾病卒有抱秋亭詩
集十二卷歸愚先生巖門文為之序

穀原與籀石情好最篤嘗結日課一詩會吳叟樵石陳師
秋坪及萬循初光泰汪厚石孟錫桐石仲鈞預焉因吳叟
別號故竝聯石字蓋取石交之義也甲戌

廷對穀原以策誤五段置三甲時籀石已壬申二甲第一
入翰林矣於大衆中以同進士如夫人作對相嘲聞者莫
卷之五

不軒渠穀原大有不平之色然籀石胸無城府意所欲言
輒信口而出不顧其忤人也余識籀石於表文達公處後
刻詩集成年家子戚馥林芸生以一部見寄余題詩即做
其體云憶我見籀石上章敦牂冬爾時年長倍籀石年四
十三余年
二十偶於師門逢我師為我言詩能令人窮汝浙老名士鴻
博會同徵叶數奇輒被刑久滯副車中今秋考教習收
錄到渠儂退各詢所寓互持一刺通人海浮萍合相知良
不深叶次年誇奇遇王五穀來鄉邦叶我師復惋惜何不
獻賦從是科我下第驢券書匆匆溘灘我卧病停赴公車
慵遙聞羨晚蓮花看長安紅忽於半年內抒盡平生胸迨

我臚唱日王五進士同雅謔殊為虐大笑滿堂吐其後或
譚及尚露不平容一別卅年餘置身青雲崇夢想頗不到
時來卿與公籀石貧時交悉數畧能終樵石吳茂才
嗣廣最老

壽伯道悲蒼穹萬孝廉
光泰最博雅客死嗟飄蓬穀原
比

部又曾稍發泄厚石汪選部
孟銷本素封厚石弟桐石汪孝廉
仲鈞墳

箎奏雍雍王汪雖有後名位未光融所以吟社裏獨推彭
城雄詩人享厚福禾郡稱無雙叶丈夫生世上遭際命所

鍾流傳賴佳句春勿哂雕蟲穀原師醜舫厚石學涪翁兩

人竝石友亦復我良朋叶籀石克兼之才大少爭鋒歸田

自編集劄劄方畢工公戚生二字用
南史寄貽我開卷墨痕濃病

眼觀大意雲霧豁朦朧申謝走不律太息撫孤桐

杭州諸生莫棻字右張號柳亭嗜酒鼻齷性極灑落學有根柢與陳星齋同學齊名而終老不遇余與先兄應試至杭柳亭輒來劇談孰於武林舊事娓娓可聽夏月必邀喫仇園菟仇園菟者吳山之麓有地畝許相傳為山村故居所產菟味甘而腴美於他處非早起不能得也三人有仇園菟聯句詩乾隆己卯庚辰間塲屋用詩其門人馬彭字軼錢初學未能諧律柳亭令從先兄為詩弟子口講指畫所業遂工柳亭姪維字維山博覽工詩文丁酉舉於鄉人極迂僻殆可入淵源錄中云

仁和蔣素慰字亶夫號若谷先兄乙酉同年也少孤事母張純孝若谷工制藝通群經而尤精于左國詩不多作刻意樂府音節古峭有吳山草一卷

佛爾雅八卷凡十六釋釋名一釋詁上下二釋親三釋宮四釋器五釋樂六釋天七釋地八釋山九釋水十釋草十一釋木十二釋蟲十三釋魚十四釋鳥十五釋獸十六自序畧云乾隆辛亥夏五月宗姪耕厓孝廉廣業自皖城歸過余齋為余言朱石君中丞方撰佛孝經余思有佛孝經不可無佛爾雅遂銳意創稿凡三月而成書略加注釋如郭景純若疏通證明之尚俟乎將來君子也中秋後三日

書時初意欲付剗門人張廷琮任手鈔寫樣雖成竟不
果梓至今尚藏敝篋也廷琮字蘭九號絳巖又號前山族
叔駿字信裳號荔園竝從學於余二人齊名有聲學序遠
近莫不稱東郭二詩人也荔園詩學中晚長於詠物尤工
駢體小賦極精余嘗為之序前山詩以精華錄為宗余題
其詩卷有一瓣香歸何處好漁洋蠶尾兩峯青之句荔園
乾隆庚子成進士今官處郡教授前山年未六旬以歲貢
需次卒不勝存歿之感

嘉慶甲子八月馮鷺庭集梧以所著杜樊川詩集箋注所
刻元豐九域志惠定宇後漢書補注及其尊甫孟亭侍御

墓誌銘寄贈嘉平月廿六日歲暮風雪中遣急足以嘉禾
瑞應圖立索題詩因呵凍走筆作嘉禾篇仿竹垞先生體
云嘉慶九年紀甲子西南龕靖橐橐兮矢柏冬河公仍效靈
駢祥疊貺頻送喜先是六月暑雨咨浙右邨田浮雲水節
使拜章

睿澤覃和氣感召一何駛五風十雨轉休徵憶昨空憂禾
生耳我聞天瑞地瑞兼動植甘露如膏醴泉溢黃龍麟鳳
木連理不若嘉禾推第一神農之世雀銜來陶唐三代紛
紛出逸書旅命事最著拔貢歸來猶能述迺知此禾本仁
草吾

皇深仁古聖匹崇墉比櫛話盈寧異畝同類穎稽文質繪圖
欲追孫熊手作志寧數蕭沈筆君不見嘉禾舊郡產嘉禾
地天協應舒恩波

聖主賢臣千載遇含淳講德宣中和順成登行諸福至老
叟擊壤行人歌益壽增笑齊慶

天子萬惟願金穗玉粒年年多乙丑新正貽書申謝禮意
甚殷未幾鷺庭以積勞成疾卒聞其遺孤尚幼他日能讀
父書否也

楊十一舅氏諱詠字杼懷乾隆戊午副貢歷知銅山沛縣
所至有政績撫孤姪兩松中丞嗣廣教育成立平生詩不

多作而恪守唐音有補梧軒詩鈔余為序因錄得數首寄
徐心言諱蘭余受業師云暇日鎮相過狂遊不我訶書依蕭寺竹

酒泛段橋荷老去心情減年來離別多柴扉知畫掩得句
近如何書嗜愚諱澄公族姪余受業表兄信後云幽恨憑誰訴沉吟日

又哺拋家嗟我愬從井感君多駑馬惟思棧飢鳥自哺雛

春風遍草木只有隰楊枯中秋日舟中云吳公臺下水不
盡向東流董子祠前月無邊接素秋水流長不逝人去月

仍留漫以人如水還看月似鉤旅寓寓館寓懷五首之二云搖

落常懷宋玉悲况今兩度值天涯苔階風過飄殘葉廢苑
人來拾斷葵涼雨一天心上淚清霜幾點鬢邊絲步兵本

是猖狂客斜日窮途只自知涼風乍動覺刁調樂帙殘編
 共寂寥飲量盡從愁裏減鄉心都向酒邊消秋成田舍炊
 新黍冬近山家補舊窰吳樹秦雲成絕域碧天霜冷夜迢
 迢破川感舊云紫微山下紫微橋記得橋南舊酒標風景
 不殊前度日劉郎無奈髮蕭蕭少年遊釣經行地今日相
 看盡劫灰只有一編緣未了白頭重訪讀書臺公移家禾
 中年登大耋閉戶課孫壽八十有八而卒長孫懋龍字在
 人號健齋幼從學於余詩才超俊制藝幽峭莫不卓然可
 傳兩中副車嘉慶己巳舉京兆試改名思敬次惺字俊安
 號小田次文藻字秀實號芸墅竝諸生工詩文

梅里門人楊蟠字旋吉號文璞詩人子讓謙令嗣也子讓
 博學工詩箋注曝書亭詩集行世文璞幼慧承家學詩才
 雅麗古文宗曾南豐以左手作書尤工二十年前余嘗贈
 七古長篇以朱李替人期之近移家桐鄉留心楊園先生
 之學造詣益邃著述益多嘉慶丁卯冬日同俗客過舍匆
 匆別去別後賦五古長篇預祝八句書策寄贈又寄七律
 一首云執經曾許易同參撰杖今慙禮未諳粟里名高推
 海內內靈光望重峙江南門前美草呼書帶砌下奇花號鉢
 曇好約從遊諸弟子壽觴齊進菊泉甘此意良可感也
 亡友張光滉字守初號集堂少穎悟工制藝長遊關中客

畢秋帆先生幕與張少儀鳳孫嚴道甫長明唱和詩學遂

進既而遊大梁主講席遍歷嵩少諸名勝詩格清老顧不

自收拾藁竝無存亡姪彥國字竹孫君之愛壻乾隆壬子

夏歿於京邸君以詩哭之曰親朋塞巷憑棺哭淚灑西風

不忍乾千里信音成永訣余自淮安接家信知京邸病耗百年懷抱幾時

寬書能益智留兒讀田可充饑供母餐七字哀吟牋半幅

魂歸遥夜料猶看射策京華賦短檠巾箱遺稿亂縱橫修

文遽奪生前筆及第遲邀身後名猶有鬼神言敢隱余任撫孤

批未伸眉字氣難平夜臺他日終相見重語當年兒女情

君久困場屋是年年六十二舉於鄉計偕北上癸丑下第

南歸卒於板浦書院君晚好儀禮手校開成石經采陳祥

道李如圭張淳楊復魏了翁教斷公諸家之說著儀禮正

論一書惜未脫稿

亡友陳萊孝字惟禎號誰園長余一歲弱冠訂交君少從

巖門學以初白為宗性不好舉業將入立境棄不復應試

專力於詩平生存稿十餘冊殆不下五千首也乾隆巳卯

君始出遊余有長歌題其彭城游草歷叙邑中詩學源流

凡千二百言而結之曰古今詩派且無論守君一語吾自

成其吾集中詩有云紛紛競摹仿李杜與韓蘇惟吾寡依
旨相君游幕二十餘載晚至陝甘倦游歸家著誰園詩話

採拙作頗多兩人往還唱和無異曩時真可謂白頭如新者矣丁未君年六十以自序辭祝駢體極工一時傳誦未幾病劇易箒前三日以沒脚蟹圖索題并限五言排律八韻余走筆面呈榻前以慰之曰郭索何須羨安居水草邊無腸亦益壽沒脚最延年白八真疣贅白八用陶穀清異錄黃中好結連長卿文滿腹李氏畫齊眉宣和畫譜有李稻向由拳熟熬成擁劍便還宜瀕海放未許到秦懸在蟹元悠爾憑人笑塊然如陵同女丑讀雅補新箋及君卒余以詩哭之曰弱冠論交四十年那堪一別隔重泉篋中排集昌詩好膝下談經教子賢花甲已週差可慰柳開同病合柳憐君

子六月十三夜夢大名柳仲塗相訪劇談古今并示古文奇字好歸家檢宋史及河東集知仲塗亦以疽發而醉心竊憂其不祥也距易無多執友情何限話到雙螯淚潸然箒纜八日耳君有五丈夫子長敬禮字與伯詩文竝工世其家學歲貢生未仕卒次敬畏字寅仲幼慧早夭工於篆刻次敬持字莊叔次敬修字可堂並國子生幼大任字抑隅州學生惜亦早夭

海鹽張芷齋載華螺浮給諫曾孫內弟許西鶴奎外父也著有詞林紀事初白詩評二書乾隆乙巳以涉園冊索題冊自漁洋以下名人題詠甚多餘題七古一首嘉慶戊午至鹽芷齋已卒訪哲嗣鷗舫鷗微於涉園有詩云南郭來

尋勝東風霽色妍乍增傷逝感十年前並齋偏結看花緣
樹石都成趣詩文盡可傳園林訂遊不果隨處有難得主人賢嘗招
同陳德星孝廉黃晉康上舍暨子姪輩午集余即席口占
云家庖精潔酒甘醇啜茗深譚洽主賓雅集還同玉山顧
多才更比穎川荀異書拱壁誠堪寶是日出宋佳札遺珠
益可珍又觀竹垞初白茱黃纒纒過候名園吟賞一時新
小峴先生詩所云我亦神遊到鷗舫異書佳札恣人看者
是也壬戌新正鷗舫六十余以詩寄壽有云詩酒高名天
下士園林清福地行仙覲鄉傳為佳句丙寅八月接書未
及月餘忽聞訃音為之驚悼不已

莫子同字相如大興人後家海鹽以孝廉分發山左卒於
定陶子之發字繼周貧不能扶櫬素服終身孫如德發願
往尋已隔四十九年土人無知者有老叟尚記其瘞義塚
約畧可指掘地見前和題宛然道旁為之感動山左人皆
呼莫孝子助貲得歸嘉慶丁巳事也次年余掌教海鹽聞
其事贈以詩云子收父骨古所有孫訪祖棺古所無異哉
莫生真孝子孝父孝祖心何殊武原貢士莫相如之官定
陶三日餘便嬰暴疾捐館舍旅瘞不與家人俱其子終身
持縗服其孫發願尋長途四十九年踪跡杳可憐曠野蒼
烟蕪當時目擊有老叟如言畚鍤窮黃壚果見前和痛欲

絕旁觀下淚襟霑濡吁嗟乎法宗刺血常耿耿伯孫泣硯
徒區區孰若孝子孝孫合為一媲美蕭師虞傳良非誣安
得為倩龍眠筆寫作山左扶櫬圖因來肄業書院文亦可
觀余極賞之縣府試竝前列己未入郡庠秦小峴觀察見
劉信芳學使稱其孝行旋即食餼同儕有排擠之者以新
生不果舉拔萃科當事咸惋惜焉莫生字价藩此外尚有
董彬均叔改名朱瑞標雲仲彭方頤文延彭世喆原明楊
採鍾麟張賜采顯侯何同治與人蕭繩祖昌基鄭伯堦貽
孫沈紹先補堂鄭象坤同祖竝工詩文鹽邑書院中知名
之士也

彭羨門先生試博學宏儒第一相傳其寄內詩云

玉皇昨夜親裁

詔夫壻承

恩第一人論者謂彭王齊名此事則漁洋稍遜也茂才方
頤以先生家書三通見示因詳錄之云羽傳回曾附平安
一帙矣我已于昨日考過璿璣玉衡賦有序用四六體省
耕五言排律二十韻止兩題耳但坐于烈日之下筆枯墨
涸寫字甚難雖不出醜亦不甚得意惟聽之時命耳

朝廷已于今朝往鄭州不知何日有信若僥倖得取家中
切宜鎮靜不可收一人管一事并整飭門庭房宇只照常

淡淡過去如無此一番可也。切囑切囑報人亦不可重嚮并做戲。恐內人與三兒最要體面。最好熱鬧。把持不定。全仗吾姪一力為之。然亦是姑妄言之也。大約發落後便往中州。由汴入汝。七月內必到家矣。客久切欲南還。反以羈宦為苦。此乃由衷之言。非是客語也。自老竟升貴撫。舉朝為之不平。可見孤立必受人排耳。內人嗽疾。想已不發。三兒今年可著實讀書。若今年再不勇猛精進。終身全無通日矣。要緊要緊。諸尊長親友各各致聲。不及遍字。計晤期亦未甚遠耳。寓庸姪四官三兒全之。三月初二日。羨門又云。十八日一急信從報上送回。計浴佛日可以達矣。我試

日。卷幸居第一。于十七日進。呈後因。殿試匆匆廿四五

朝廷又至沙河故

上傳未下。然上上卷內皆經

睿覽。內有詩不工切及走韻者。悉俱翻落。幸我巍然不動。仍是第一。居然有壓倒一時之概。亦是僥倖。蓋初一日試時。殿廷森嚴。

天威咫尺。出題又已向午。風日燥烈。困頓難堪。只得信筆直書。甚不愜意。算來平日本領。此日只得十分內三分。已拚不取。即倖取亦未必在前。不料叨忝至此。大抵試日題

目既難光陰又促。衆人皆不得展抒，非我一人獨難也。至進呈之卷，乃是寶坻老師所賞，先定上上卷，後將七卷同比第一。他卷皆有累句及走韻，而我詩全篇穩秀，得遂居其上。掌院亦與有力焉，真可謂天人輻湊。今日已有上傳，頃李湘北在閣中，先已遣人來報過，明日欲往見三。中堂及吳老師，但苦門包又要費十數金耳。然此番之試，並不鑽求一人費去一錢，而白白得此虛名，亦算大幸。可見天下事真正有數，不須妄求也。但上傳雖未見，而聞得欲留我等在此纂脩明史，應加職銜。著吏部議奏，大約是確脩史非旦夕之事，極快也得兩年。

歸期擔誤如之奈何。若部議得有詞林一席，三兒完姻後，家眷必進當來，且做一處澹泊過日，如空加虛銜而無寔授，則家眷不便來矣。以下又云酒米小菜調和等物。

每年必須寄糧船上也。明年大概必要來來，則須于黃家營起旱，于三月到此。庶得次第，恐同內人行，則水路或與三兒同一驛轎來。我于庚戌丙辰兩年，曾寄兩驛轎于營中。楊新水家可取用也。昭威前欲入都，何以不果。今須乘新秋一來，寓所雖貧，且自相依，以觀機會。恨不肯早來，失此騰錄一番機會耳。自老一到黔中，便開事例，吾姪之得官在此一着，故不可不急考職也。十七史及一應書籍急

欲寄來凡有用之書皆須寄到不可太少省得明年又要帶摠是一般也。諸事乞與蘧兄章甫細商。數千里外不能懸度。瑄兄老姊諸甥及叔姪弟兄切切一致十五日已寄一字于曹使。因其從水路當至八月始達。故從凝止報上。又有此寄草草不能詳也。昭威寓庸二姪全覽六月十七日。羨門字觀此家書三通。可想見前輩風度矣。茂才羨門先生五世從孫姪茂才。世詰其尊甫熙臺茂才。方鼎好收拾先世遺墨。嘗得四世從祖節愍公江西圍城家書。裝潢成冊。索題余用龍湫山人舊韻題七言律詩一首。楊忠愍公與鄭端簡公手札十七行題詠甚多。余有詩四首錄

其二云海上高風大笠生。兩賢妙蹟一時并。當該小吏偏僥倖。紙尾公然附姓名。端簡記云癸丑三月五日應天府當該林居龍從京來得椒山先生手書海上觀井圖成懿訓同榮陽奕葉守家風。到今弓玉大笠生記。仍無恙。會見祥光燭太空。冊藏鄭氏二百餘年。乾隆壬寅歸于吳槎客。甲寅仍還鄭氏。

耄餘詩話卷之六

林秋佳太夫子先了閒府君受業師也諱玉藻字玉田世

居邑東鳳凰橋初姓徐後復姓林工尺牘得從父寶名先生之傳太夫子館余家復館安國寺巷陳氏最後館文勤師相家最久幾三十年嘗製百花枕自題一詩多屬和者諸襄七錦和曰花苗藩溷疊相仍誰為天工惜落英藉草黃茅兼白葦擁衾竹簟與桃笙獨矜好事翻圓木收拾餘香伴短檠焉得神遊翔帝所提携百末到通明雍正壬子太夫子舉於鄉乾隆壬申以年老

賜國子監學正銜戊寅南歸襄七送行詩云不負初心大

布衣藥籠檢點是當歸。杖朝七十年，逾四鼓，篋生徒奮欲
飛。蜨胃蛛絲翻撲撲，馬爭棧豆戀微微。高懷詠史誰知已，
謝尚袁宏有舊磯。快意還鄉馬少游，嶺雲絮帽雪磬頭。一
春自愛眠花塢，百丈休牽上瀨舟。殘月多情相伴曉，寒蟬
已老不鳴秋。瓊琚桃李紛無數，永好寧須論報投。歸三年
而卒。

甲戌南還，座主陳文勤公寄家書，并足衣一雙，各納朱提
百兩。余命至揚手交世兄瞻範克繩，其清况可想見也。戊
寅公靈櫬歸宦，索蕭然，惟書櫃七十二號。余與查君蒼林
祖香檢收貯於大樓五楹內，有宋刻極精，如舊唐書通鑑

總類者不可勝紀。公孫敬承顯曾歿後，二書為劉令雁題
所得矣。散失殆盡之餘，僅留

賜帖一部，曾許五百金而不售。近聞匪人慙患貶價歸富
室，因以獻媚，且頗分肥也。蒼林時館公家後，以拔貢官教
諭年七十餘，乞歸嘉慶癸亥過西門邸第，有詩云：平泉草
木猶無恙，欲問藏書已杳然。觀者為之嘆息。

座主歐陽公號竹垞，湖南衡山人。乾隆辛酉解元，乙丑翰
林。庚午浙江副典試，尋改御史，乞養歸。卒，余丙戌赴粵西
過衡山，有詩云：夫子家南嶽，山靈出異才。高名書柏府，大
節詠蘭陔。目斷雲猶結，心愁霧不開。醉翁門下士，灑涕酌

泉臺公卒後三十年門人趙泉鹿佑刻竹泐制藝五十首
行世鹿泉亦以制藝名其清獻堂稿屬余評定

乾隆丁亥修梧郡志開局學使行署與史笠亭郡丞鳴皋
同事頗相得笠亭好譚玉溪生詩每舉姜白巖之說偶夏
夜納涼笠亭譚碧城三首娓娓不倦四座矐眙不解為何
等語也時已將三更余酬對亦倦徐曰勿譚義山且聽蛤
蚿相與大笑而散蛤蚿雌雄和鳴雌曰蛤雄曰蚿久近大
小有三聲五聲七聲九聲十一聲十三聲之別是夜所聽
墻內者七聲也余嘗有詩示岑溪李孝廉世錦藤縣陳明
經汝璋云粵嶠馳驅筆硯荒俄來此地展繡緗一燈重理

儒生業四壁驚看皓月光漫說虞衡能作志終憐急就不
成章上官誶諉期無負莫使閭消片刻香蒼梧漢郡至今
傳文獻飄零待續編可有楊孚搜異物曾無范瑗紀先賢
儲藏家鮮三千卷采輯時經八十年願得汗青功速就敢
云康趙速隨肩書成而余以奉諱歸里揆圖說小序已丑
刻竣

詩家汪王竝稱而鈍翁為文所掩論者遂謂遜於漁洋要
之伯仲間也鈍翁山中遊仙四十首後遊仙八首藝圃小
遊僊六首空山不要閑錢使點得黃金別贈人玉皇若賜
先生號乞掌瑯嬛未見書門庭須是常修潔要候他年帶

宅。升。下。壇。手。寫。朝。元。曲。不。倩。人。間。蔡。少。霞。合。取。藥。成。猶。未。
喫。直。緣。身。戀。太。平。時。平。生。解。笑。拖。腸。鼠。枉。自。飛。騰。不。到。天。
不。知。道。側。青。牛。叟。何。事。淹。留。愛。著。書。聞。道。茅。君。夜。相。訪。旌。
幢。小。駐。月。明。中。之。句。其。神。韻。何。減。漁。洋。余。有。女。遊。仙。詩。八。
首。錄。其。六。云。鈞。天。曾。醉。紫。霞。觴。謫。墮。塵。寰。四。十。霜。如。此。生。
涯。元。是。夢。夜。深。風。露。桂。枝。香。結。伴。彈。璫。吹。玉。笙。瑤。池。翠。水。
見。盈。盈。而。今。青。鳥。無。消。息。悵。望。銀。河。萬。里。情。放。眼。同。為。碧。
落。遊。金。床。玉。几。下。簾。鉤。易。遷。宮。裏。花。無。數。合。讓。瓊。花。第。一。
流。條。脫。雙。雙。火。澣。巾。黃。麟。羽。帔。鶴。袍。新。羊。權。張。碩。多。僥。倖。
也。作。丹。房。紫。府。人。嬰。女。親。傳。道。術。高。遜。階。星。紀。猛。元。枵。儒。

仙。事。業。初。無。二。九。鳳。飛。來。五。色。毛。東。西。羅。帳。繡。金。苔。不。是。
儂。緣。那。得。來。溪。上。桃。花。千。萬。樹。紅。雲。紅。雨。認。天。台。

自。紫。陽。朱。子。有。豆。腐。詩。後。我。邑。蘇。雪。溪。亦。有。之。初。白。老。人。
四。首。載。敬。業。堂。集。中。乾。隆。壬。子。冬。日。王。西。莊。寄。豆。腐。詩。四。
首。索。和。元。唱。云。一。頃。山。田。種。有。秋。淮。南。食。法。妙。蒸。澆。磴。牀。
碾。出。膏。徐。溢。缸。面。澄。餘。乳。更。柔。任。受。磨。礪。初。質。變。仍。教。潔。
白。素。風。留。搓。酥。滴。粉。煎。其。火。憑。仗。晶。鹽。汁。點。妝。石。髓。凝。成。
不。羨。仙。寒。燈。賣。徧。曉。霜。天。桃。來。農。舍。時。論。擔。送。向。僧。廬。亦。
數。錢。棘。匕。山。腰。茅。店。裏。荻。標。巷。尾。酒。帘。邊。價。低。那。用。金。龜。
換。吸。菽。高。風。自。可。傳。筠。筐。携。取。備。朝。餐。嗜。好。酸。鹹。異。俗。論。

雪梳滿盛雲作片銀刀細切玉無痕
芼蔬堪配齋三寸佐
醉聊傾酒一樽更愛水天稜角屬和羹
轉手變奇溫畧糝
吳橙點蜀薑箇中風味淡偏長
穆家兄弟應同品市上屠
油詎解嘗逸士餐霞成勝趣
貧居服玉詫良方流匙滑辣
清如詐遮莫齋期學太常
余詩云食經千古託淮玉
唐書見舊
藝文志萬畢同傳菽乳方寧料腸饑充
曼倩儘教齒落任張
蒼持錢入市筠籃滿切玉如泥翠釜香
聞道八童都狡獪
至今留味苾芻房
柴桑惆悵豆苗稀
角果登盤願未違
澹泊待加三楪飯
精華先試六銖衣
煎時面上凝結者為紫
豆腐衣入饌尤佳
茄白莧何嫌瘦紅鯉青魴倍覺肥
倘遇載醪祛所惑家常

草具話忘機茅店雞聲樹影濛
榨箱殘月磴床風宰羊邊
烹廬小牧豕關心汁滓空
義比善救參孔氏俗呼買豆
腐曰捺救
讀如捺書音同小雅補歐公曰打更吟
舖煮黎祁句撫拾
傳訓簡
方言一首中海滢山陬到處磨配鹽
幽菽豈能過味兼名
鮮佳蝦勝香入晚菘早韭多
羹店誰開尋茂德蜜脾欲漬
供髯坡回思犀合瓊漿美付與厨孃
白雪歌時里中同作
者十餘人偶摘數聯於下
寒士飽餐猶選日齋厨清供首
登盤石磴淋漓浮白乳榨床點滴瀉清泉
俞廷藻笑我為
儒難上席嫌他是乳卻無香
君看白首京華客擲筆中書
未忍捐歛中有炕腐許文穆公酷嗜之人稱許閣
老腐詳李君實蓬櫬夜話
吳騫槎客切玉無

聲隨素手凝脂有味潤枯腸周廣業耕厓薦客味同村酒薄調

羹雅稱野蔬香許琳際唐鄉味且留佳客供詩名合向腐儒傳

徐惟懌孤燈夜磨催成易小市晨擔喚賣喧蘇琳也知無

分將軍腹其奈難忘博士齋尤愛雪花精潔甚濟尼曾與

妙安排比邱尼以腐渣製熏成竺國瞿曇面市有熏腐色黃可愛盒

作中山醉客顏紅醬盃者剛以含柔非一致白能幻黑更

多般腐乾有海鹽新市濃香不敵星星臭記挈甕罌市上

還醱腐令臭饑餐合佐雙弓米癖嗜還呼五葉復油沸者俗稱佳品

腐老吏褒許符美德詩翁吟詠到鄉音鍾大源大烹每共

庖茄菜小宰何妨鹽豉油鍾大復野店割雲呼郊酒盤殮

堆玉襟辰辰熊肥蛙瘦何須辨蒜友瓜朋亦已蕪王叔量又良

又亡友舊刻并附錄之時供古佛伊蒲饌不斷貧官首藉

盤無窮世味鹹酸外有限交情水乳中子舍會須謀菽水

貧家何敢棄糟糠雞豚社裏成呼吸杞菊厨頭辨咄嗟軟

雲潔雪懷三德三德見虞道園集翠釜金盤讓五侯菜衣養志千

鍾祿顏卷留賓四座歡談笑無妨分佛火烹調時或乞隣

醢陳萊孝割來雲母流脂滑點就香酥下筯甘王烈錯曾

呼石髓裴航急欲飲瓊漿任是藜羹堪竝設何妨晶飯也

同登張廷琮前山

蘭泉掌教萬松書院以柳枝詞命題課士選刻二冊意欲

仿鐵崖竹枝詞似未見鈍翁姑蘇楊柳枝詞者其詩亦不
如遠甚矣案類藁自鈍翁元唱外凡八十八人方外五人
閨秀八人又補和三人共一百四人內海寧三人查詩繼
南字二云隋隄春色近如何賈船空傳水調歌誰似張王城
外柳東風歲歲客愁多查嗣棟字夏重即敬業元名詩云聽到鶯聲
春盡頭綠楊圍處是蘓州吳兒緩控行驄馬吳女停橈繫
綵舟查鏞字聲山即澹遠元名詩云蕭郎經歲斷歸音柳陌春光漸
漸深蚤識飄綿復飛絮悔將蒲帶結同心此集吳縣周靖
箋注王不山繪圖無一不精覺後來之草草也

余有西湖柳枝詞十首并序云敷文院長課士以柳枝詞

命題作者甚多余亦偶詠因思折柳興於樂府新曲創自
白公厥後唐賢殊難悉數宋初僅推騎省杭人止記存齋
近若堯峯尤稱極盛矣茲則竝無本事惟有雅辭前三首
詳體制之源流後七首寫湖山之情景陳言務去庶幾免
大拙之訶古調獨彈倘得邀清翁之賞館娃未必勝錢塘
記取香山白子香履道他年誇盛事閨情先問永豐坊許
昌詩律善相輕劉白宮商肆品評吟到水蒲風絮句洛橋
錯比六橋晴姑蘇一卷玉遮樵為有章臺無限嬌此日披
圖重點筆柳塘鷗鷺倩誰描雙峯剪出萬絢絲挂滿環湖
拂地枝綰住春光莫教去盡船齊唱壽杯詞翠浪鶯啼不

露身飛來謝豹喚遊人映波橋外花千萼李白桃紅一樣
新彈指聲中汁染衣算將四十九年非關心最是西湖柳
不獨金城感十圍年少狂遊日未斜紫韁青纜繫槎牙自
嫌去老渾無加笑對屏山捉柳花陶令高風重晉書宅邊
有樹愛扶疎如何宋嫂魚羹後屠沽偏題五柳居天上長
懸柳八星曲頭垂似折枝形人間遍向湖隄種散作湖中
九子萍濯濯臨風絲正柔含烟帶露亦宜秋從今樂府翻
新譜分付旗亭第一樓又有十二首用晉折楊柳歌體云
新歲湖邊柳尚髡先春已是露青痕試將一德從頭數漫
說歲鴉蘇小門正月披拂長條遍覆隄竊黃慘綠映玻璃一

雙燕子銜泥處不管嬌鶯自在啼二月縱酒高歌滿眼春相
思惜別往來頻蘇公堤上逢飛絮爭識垂楊是故人三月新
綠成陰花事殘三眠嬾上玉闌干阿誰折取一枝柳揀向
酴醾洞口看四月艾綠榴紅晝景長柳洲水滿浴鴛鴦應憐
碧樹垂垂瘦半帶朝烟半夕陽五月三伏開窓對榻宜納涼
湖上去遲遲羊坊酒庫今何在古柳林中小立時六月千絲
萬結對高樓銀漢迢迢渡女牛柳是人間長命草能消天
上別離愁七月鷺嶺天香月下飄霏微珠露滴深宵此時楊
柳新搖落有約吟秋米市橋八月不少登高作賦和紅舡解
纜獨徘徊鯉魚風起黃花晚五柳門前送酒來九月霜輕日

暖正初冬。婀娜風流。翠轉濃恰則小春時候好。幾行疎柳倚孤松。十灞橋風雪冷交侵。脆葉柔條力不任。却羨仙童一丸藥。護根長保歲寒心。十一月十一日檢點韶華又一年。柳邊梅發故依然。東風徐覺陽和動。莫折枯枝挂錦鞵。十二月十二日余興到揮毫未免浪費筆墨。倘倣靜志居詩話竹枝之例各誦所聞恐絕少佳篇。惟浮以太白而已。

余自粵岑携小草歸。葉密而枝圓。擊之輒斂。縮土人呼怕老婆草。因其名不雅。馴易為畏婦。載入州志。好手多繪圖之歛。方蒸砂塘海鹽陸忍菴以謙陳學川寬董均叔彬袁陶軒鈞仁和余松屏大觀邵懷粹志純同里陳誰園萊

孝 吳槎客 騫汪小海 淮陳仲魚 鱣張芝岡 翁冠朱漢階有

倬 楊書巢 秉初題詩竝工許雪林 士元題詞一闕調寄賀

新涼亦工雪林携圖至杭錢嶼沙先生見之題鬱林石三大字於冊首知余無粵中裱也邑人章茂含字魯得工書法亦題四畏珍草圖詠六字于前里中有楊叟者題三絕句第三首云葉斂枝垂畏痛真痛生何處畏何人只宜懺悔香巖地自有男兒不畏身其夫人耕雲女史陳登峯見詩而志題四絕句第一首云人間恨事最難平異草無端負此名試問阿誰同病者不妨相對訴衷情伉儷之間因此幾致反目余作二絕句解之云相敬如賓老更恭時時

說李似無庸草名於爾干何事賦得愁心爾許濃桂海移
來遍地生黃花綠葉態盈盈莫教種近南天燭恐惹中心
愈不平宋袁質甕牖閑評云庭前種南天燭令婦人妬遂和好如初亦佳話也

